
Saknr: 2020/98-11
Saksbehandlar: Hanne Marthe Espe

Saksgang

Utval	Utv.saksnr.	Møtedato
Hovudutval for kultur, idrett og integrering		21.04.2020

Friluftslivets ferdselsårer

Forslag til vedtak

1. Hovudutval for kultur, idrett og integrering vedtek å løyve 450.000 kroner fordelt slik:

Søkn. Nr.	Søklar	Prosjektnamn	Tilrådd sum
1	Ullensvang kommune	Friluftslivets ferdselsårer	60 000
2	Etne kommune	Friluftslivets ferdselsårer	60 000
3	Voss kommune	Friluftslivets ferdselsårer	30 000
4	Kinn kommune	Friluftslivets ferdselsårer	120 000
5	Vik Kommune	Friluftslivets ferdselsårer	60 000
6	Solund kommune	Friluftslivets ferdselsårer	60 000
7	Aurland kommune	Friluftslivets ferdselsårer	60 000
8	Bømlo Turlag	Skilting og merking av turløyper	0
9	Fyllingsdalen frivillighetssentral	Løvestakken rundt	0
	Totalt		450 000

Det vert vist til vedlegget med oversikt over søklarar for grunngjeving av vedtaket.

2. Kr 1 124 000 vert avsett til fordeling til plan for friluftslivet ferdselsårer hausten 2020.

3. Inntil kr 300.000 vert avsett til fylkeskommunal eigendel i ein søknad til Kartverket om midlar til *Universell utforming - Prosjektmidler til kartlegging og oppdatering i 2020.*

Samandrag

I regjeringa sin handlingsplan for friluftsliv (2018) vert det lagt til rette for eit nasjonalt prosjekt 2019-2023 for å identifisere, ivareta, utvikle og legge til rette friluftslivets ferdselsårer gjennom ein eigen plan i kvar kommune. Målet for prosjektet er fleire ut på tur, at befolkninga utøver friluftsliv jamleg, auke tilgjengelegheita for å utøve friluftsliv og få flest mogleg kommunar til å utarbeide planar for friluftslivets ferdselsårer for å systematisere dette arbeidet. Plan for friluftslivets ferdselsårer er ei vidareføring av arbeidet kommunane har gjort med kartlegging og verdisetting av

friluftsområde og det nasjonale turskiltprosjektet (2014-2018) knytt til merking og gradering av turløyper.

Prosjektet friluftslivets ferdselsårer er forankra i [Anleggspolitikk for Vestland fylkeskommune 2020-2024](#) (vedteken av fellesnemnda i juni 2019), og er tiltak 13 i handlingsprogrammet. Arbeidet er finansiert av kommunale, fylkeskommunale og statlege midlar.

Tilskotsordninga til [Kartverket til Universell utforming - Prosjektmidler til kartlegging og oppdatering i 2020](#), kan gje midlar som kan sysselsette ressurspersonar i turlaga og friluftsråda som no er permittert heilt eller delvis. Fylkeskommunen vil, i samarbeid med dei 2 turlaga og dei 3 friluftsråda, sende søknad til Kartverket innan fristen 24. april.

Per Morten Ekerhovd
fylkesdirektør

Britt Karen Spjeld
seksjonssjef idrett og friluftsliv

Saksframlegget er godkjent elektronisk og har difor ingen handskriven underskrift

Vedlegg:
Oversikt over tildelinga med grunngjeving
Rapport, Friluftslivets ferdselsårer

Saksutgreiing

Bakgrunn for saka

Vestland fylkeskommune si rolle i prosjektet er koordinering regionalt, rekruttere og motivere kommunar til igangsetting, følgje opp enkeltkommunar med rettleiing, leggje til rette for erfaringsutveksling og opprette ei regional rådgjevande gruppe for å sikre tverrfagleg arbeid i prosjektet (m.a. dei regionale friluftsfaglege gruppane). Vestland fylkeskommune har inngått ein samarbeidsavtale med Bergen og Omland Friluftsråd som gjeld ut 2023. I avtalen skal friluftsrådet tilby kommunane i Vestland fagleg bistand til å få gjennomført prosjektet. Kommunane får tilbod om bidrag til lokal prosjektleiar for å følgje rettleiar M-1292, og digitalisering av innsamla data. Arbeidet er starta opp i 9 kommunar og fylkeskommunen deltek i ei nasjonal rådgjevande gruppe for arbeidet. 21. januar vart det arrangert oppstartsmøte for dei 9 kommunane saman med Miljødirektoratet, Vestland fylkeskommune, Kartverket og Bergen og Omland friluftsråd.

Frist for å søke Miljødirektoratet om 50% statleg medfinansiering var 1. mars 2020. Den nasjonale ramma for ordninga er kr 6 mill. Fylkesrådmannen søkte om kr 925 000 og sette av tilsvarende sum til eigendel i søknaden om statlege midlar. I brev av 17. mars 2020 fekk Vestland fylkeskommune tildelt kr 695 000 frå Miljødirektoratet til arbeid med friluftslivets ferdselsårer. Desse midlane skal nyttast til prosjektleiing, nettverkssamlingar, reisekostnadar og prosjektmidlar til kommunane. Det er (som i 2019 i Hordaland fylkeskommune) lagt opp til ein ny søknadsrunde i Vestland med søknadsfrist 1. oktober 2020.

Fylkesmenn, fylkeskommunar og kommunar kan søke tilskot frå Kartverket til kartlegging av tilgjengelegheit og oppdatering av eldre data i uteområde. DNT, Friluftsråd og interesseorganisasjonar som etablerer eit samarbeid med kommune- eller fylkesforvaltinga kan også søke om midlar. Målet med tiltaket er å bidra til at fylka og kommunane skal vere i stand til å utvikle og forvalte arbeidet med universell utforming på ein god og varig måte. Kartlegginga gir eit godt grunnlag for dette.

I eit møte med friluftsfaglege gruppane 2. april vart det semje om at Vestland fylkeskommune skal sende ein samlesøknad på vegne av alle aktørane. Dei har frist på å gi innspel på aktuelle tema, område og ressurspersonar 17. april. Søknadsfrist er 24. april 2020, og ein får svar på søknaden innan 5. mai.

Føremål med ordninga

I regjeringa sin handlingsplan for friluftsliv (2018) vert det lagt til rette for eit nasjonalt prosjekt i perioden 2019-2023 for å identifisere, ivareta, utvikle og tilrettelegging av friluftslivets ferdselsårer gjennom ein eigen plan i kvar kommune.

Arbeidet med plan for friluftslivets ferdselsårer skal auke kunnskapsgrunnlaget om dei ferdselsårene kommunane har, kva behov dei dekkjer og korleis dei kan utviklast for å skape meir aktivitet. Det er utvikla ein rettleiar frå Miljødirektoratet, plan for friluftslivets ferdselsårer (M-1292), for å få ein systematisk og metodisk tilnærming til arbeidet. Arbeidsprosessen har 4 steg:

- Steg 1: Oppstart - forankring/vedtak, utarbeide prosjektplan og etablere prosjektgruppe og annonsering
- Steg 2: Kartlegge nå-status - ferdselsårer, turruter og målpunkt, supplere kartlegging ved involvering av eksterne, registrere trasear og målpunkt relevant for arbeidet og innhente anna relevant informasjon.
- Steg 3: Kvalitetssikre mål, foreslå tiltak, prioritere
- Steg 4: Samanstill planen, høyring og vedtak.

Generelt:

Vedtakskompetanse: Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Budsjett 2020:

Budsjett 2020 Vestland fylkeskommune: Kr 1 179 000
Tildelt frå Miljødirektoratet til vidare fordeling: Kr 695 000

Søknadsfrist 2020:

15. februar

Vedtak kriteria:	Hovudutval for kultur, idrett og integrering 2.12.2019 PS 07/19
Kriteria og informasjon om ordninga:	retningslinjer for ordninga
Vår 2020	
Tal på søknadar:	Tal søknader 9
Tal på søknadar som vart tildelt støtte:	Tal søknader 7
Samla søknadssum:	Sum kr 569 406
Samla løyving:	Sum kr 450 000
Midlar att til fordeling haust 2020	Sum kr 1 124 000

Absolutte kriteria

- Midlane skal gå til at kvar kommune skal utvikle ein heilskapleg plan for friluftslivets ferdselsårer i tråd med rettleiar M-1292.
- Kun kommunar kan søkje.
- Fylkeskommunalt og statleg tilskot kan ikkje vere høgare enn 50% av dei totale ressursane for prosjektet. Dugnad kan reknast som eigenfinansiering (inntil 300 kroner per time).
- Det blir ikkje løyvd tilskot til anlegg som kan søke spelemidlar eller til drift av anlegg.

Vurderingskriteria

- Samarbeid med frivillige organisasjonar.

Vurderingar og verknader

Økonomi: Tildelinga er i samsvar med budsjett. I tillegg har Miljødirektoratet løyvd midlar til arbeidet.

Klima: Fylkesrådmannen kan ikkje sjå at dei omsøkte tiltaka har monaleg klimaavtrykk.

Folkehelse: Naturopplevingar har positiv verknad på folkehelsa.

Regional planstrategi: Regional plan for kultur i Sogn og Fjordane 2019-2027, *Kultur for alle*, og regional plan for kultur i Hordaland 2015-2025, *PREMISS: KULTUR* set mål for tilskot til kunst- og kulturføremål.

Konklusjon

Fylkesdirektør foreslår at forslag til vedtak vert fulgt, for å sikre god vidareføring av arbeidet kommunane har gjort med kartlegging og verdisetting av friluftsområde og det nasjonale turskiltprosjektet (2014-2018) knytt til merking og gradering av turløyper.

Ved å setje av inntil kr 300.000 til fylkeskommunal eigendel i ein søknad til Kartverket om midlar til *Universell utforming - Prosjektmidler til kartlegging og oppdatering i 2020*, vil ein kunne avhjelpe situasjonen i samband med koronakrisa hjå dei regionale friluftorganisasjonane i Vestland.